

a1^v

Der tugentfame frawen Vrfula Kemmerin
des wolgelerten Wolffgang Kratzzen eheli-
che gemael/ meyner befondern gonnerin vnd
freundin/ entpiethe ich Chriftophorus Fflur
heym von Kytzingen meynen be-
fondern grus vnd alles gu-
tes etc.

Was die
Ehe fey.

Die Ehe ift eyn rechtliche voreynigung eynes mans
vnd eins weybs/ welche vnteylich ift Die Ehe fage ich
ift eyn rechtliche voreynigung. Dan fo folche voreynigung ge-
fchicht widder das recht vnd gefetze/ ifts keyn Ehe/ Als fo
fie gefchicht vnter denen perfonen/ welchens vorpotten ift zu
der Ehe zu greyffen/ dauon gefchrieben ftehet ym Geyftlich
em rechten/ an der. xxvij. vnterfcheyd. Vnd ynn den Bepfli-
chen Brieffen/ ym. iiij. Buch. Jft auch vnſchydlich vnd vn-
teylich ynn allen dingen/ one ynn dem Ehebruch. Wan als
denn ift nachgelaffen die ſcheydung. Alfo das fie beyde alfo
bleyben/ der man on eyn weyb/ vnd das weyb on eyn man.
Denn wo nicht/ ift das als bald eyn Ehebruch/ Dauon redet

Mathe. 5.
vnd. 19.
1. Corin. 7.

der Herr ym Euangelio Matthei. Sehet wie es eyn ſchwer
vnd ferlich ding ift vmb die Ehe/ die da vntrenlich ift/ vnd
ewig weret/ Nicht wie lang du wilt/ fondern wie lang dir
odder deynem weybe Got das leben gönnet. Haftu ein weyb
kriegt das wunderlich/ ftürmlich/ vngehorfam/ zencklich/
neydlich/ odder mit eynem andern vnleydlichen lafter vmb-
geben ift/ wie kan dir wirfer feyn? Du haft widder tag noch
nacht keyn rhue/ biſt eyn merterer/ vnd fo du dich alda nicht
weyft zu halten/ ift zu beforgen/ das du hie werdeft gefengt/
dort geprent. Alfo auch von dem weybe zu reden. Demnach
fol eyn ytztlicher mit ynnerlichen feufftzen feynes hertzens/
Gott anruffen vnd bitten/ er wölle yhm behülfflich feyn zu
dieffem ftand/ wölle yhm ein weyb odder eynen man befcheh-
ren nach feynem göttlichen willen (Dan er erkent die hertzen
der menſchen) damit aus folcher Ehe Gott lob vnd ehr ent-
ſpringe/ yhnen aber die feligkeyt. Die ſchriſt ſpricht/ hewſer
vnd reych-

Wie man
ſich dartzu
bereitē ſol

a2^r

Vorrede.

vnd reychtumb werden von eltern gegeben/ ader vom Herrn wird eyn weyß vorftendig weyb gegeben. Darumb ift es weyßlich von den vetern geordent/ das man/ fo man hoch zeyt machen wil/ Beycht vnd eyn Mefs höret.

Die Ehe hat vhren vrfprung vnd anfang gehabt/ von Gott/ der alle ding erfchaffen hat/ ym Paradyß/ da der menfche noch war yn der vnſchuld. Dan da Adam ſahe das weyb/ vnd erkand aus eynem Prophetifchen Geyft/ das aus feyner rieb was von Gott gemacht/ Sprach er/ das ift eyn beyn aus meynen beynen/ vnd eyn fleych aus meynem fleych/ Der man wird vorlaffen vater vnd mutter/ vnd wird anhangen feynem weyb/ vnd zwey werden eyn fleych werden. Diefen ſpruch meld Paulus am. 5. Capittel/ zun Ephefern/ da er alfo ſchreybt. yhr menner liebet ewere weyber/ wie auch Chriftus geliebet hat die Kirche. Alfo ſollen die menner lieben yhre weyber/ wie yhren eygen leyb/ wer feyn weyb liebt der liebt ſich felbs/ dan keyner nye hat feyn eygen fleych gehaft/ yha er ernehrt vnd erhelts/ wie auch der Herre die Kirche. Wan warumb wir find gelider yhres leybs/ aus yhrem fleych vnd aus yhrem gebeyne/ vnd darumb wird der man vorlaffen vater vnd mutter/ vnd wird anhangen feynem weybe/ vnd aus zweyen wird eyn fleych. Wie aber aus dem man vnd dem weyb/ zweyen leyben/ wird eyn leyb/ zeygt er zu den Corinthern klar an/ da er ſpricht/ das widder der man gewalt hat feynes leybes/ nach das weybe/ Sondern/ der man des weybs/ vnd widderumb das weyb des mans alfo das kevns/ wenn es wil/ beytten odder reynigkeyt halten darff/ es fey dan yhr beyder vorwilligung. Sehet wie fo eyn groffe voreynigung ift der eheleut. Selig find die da nicht alleyne mit dem leybe/ fondern auch mit dem geyft vnd willen voreynigt find Dan was hilffts/ haben einen leyb/ vnd zwifpeltiges willens feyn? Sol doch eyn folche lieb vnter den Eheleuten feyn/ die mehr geyftlich dan fleychlich fey (Davon der heylige Auguftinus difputirt ynn dem Buch von dem gutten vnd nutz der Ehe) Damit keyns dem andern zu

Prouer. 19

Vrfprung
der Ehe.Wie aus
man vnd
weyb wirt
eyn leyb.
1. Corin. 7Was fur
lieb vnter
Eheleutē
feyn fol.

a2^v

Vorrede.

lieb vnd wolgefallen etwas thue/ das widder Göttliche gebot were. Wie wir dan von Adam lefen/ der aus lieb des weybes/ vnd aus lieblichkeit des Apffels/ Gottes gebot vbertrat Vnd von andern vielen hyn vnd her vnn Hiftorien.

Drey ding ynn eyner ytzlichen guten Ehe/ Glauben halten/ Kinder zeugen/ Vnd beftendigkeyt der Ehe. Diefedrey ding fol vnd mus yhme eyn ytzlicher vorfetzen zu thuen/ der anders eyn frommer Eheman/ yha eyn frommer Chrif gehalten vnd feyn wil. Bulerey/ Hurerey/ Ehebrecherey ift ynn der fchrifft vorpotten. Alfo/ das Paulus fpricht/ das die yhenigen/ die folche lafter treyben/ find von dem reych Gottes aus geftoffen/ vnd können nicht felig werden. Yha mit yhnen fol man nicht effen. Hat aber eyner luft vnd willen kinder zu vberkommen/ der nehme eyn weyb/ vnd vorlaße die bulerey. Dan Paulus zun Corinthern alfo fpricht. Von wegē zu vormeyden Bulerey/ fol eyn ytzlicher feyn weyb haben/ vñ eyn ytzliche yhren man. Wan warumb der Chriften leybe find tempel Gottes/ wer aber den tempel Gottes entweycht/ vnd vnehret (welchs gefchicht durch folche vnreyne funde) den wird Gott vordammen. Vnd die leib der Chriften find glieder des geftlichen leybs Chrifti. Dann ynn der Tawffe werden wir alle Chrifto eyngeleybet. So nun ynn der fleifchlichen voreynigung mans vnd weybs wird eyn leyb/ vnd ein fleifch/ eyn ytzlicher der fich mit eym balgk vorwickelt/ der wird mit yhm auch eyn leyb. Vnd alfo nympt er die glieder Chrifti/ vnd macht fie glieder des balgs. Sehet wie das eyn groffe vnd vnaufſprechliche lefterung Gottes ift. Dann fo es eynem menfchen/ der eyn arme creatur/ vnd eyn würmle/ gegen Gott zu rechen ift/ vordreuft/ vnd yhme folchs zu eyner größten ſchmache zurechnet/ fo yhm feyn kind alfo gefchendet wird vñ geunehrt/ wie hoch meynt yhr das Got vordreuft? Aber (Gott fey geklagt) es ift dis lafter der Bulerey/ Hurerey/ Ehebrecherey/ als gemeyn worden/ das mans gleich vor keyn fund mehr achtet/ Yha man gibt den Chriften vrfach noch dartzu/ ynn dem das man gemeyne hewfer (wie

man

a3^r

Vorrede.

man sie nennet) aufrichtet. Es ist mancher schemhafftiger gefel/ der da sonst nicht kühne wer das maul auff zu thuen/ vnd feynen dienst antragen. Aber die weyl ynn solchen hew^{er} fern keyn scham ist/ wird mancher gutter gefel also betrogen. Vnd das solchs lafter gemeyn ist worden/ ist (meynem be^{er} duncken nach) die größte vrsach von vnreynen Fürsten vnd Herrn/ vnd Priestern her geflossen/ die da widder Gott vnd recht ynn solchen lafter öffentlich vnd vnuotholen liegen. Von denen hat auch der gemeyne man ein exempel genommē Dan die exempel der großen Herrn/ odder der öbrigkeyt/ od^{er} der der/ welche eyn ansehen haben/ bewegen bald vnd mech^{er} tig. Solche Priester (so sie anderst werd find dieses heyligen namens) haben geschadt/ vnd noch zu tag schaden der gemeyn ynn zweyen stücken/ Als ynn exempeln vnd ynn der lehre. Ynn exempeln/ das sie also öffentlich vnd vn^{er}trefflich die ses lafter geubt haben. Ynn der lehre aber/ das sie zu der reyni^{er} ckeyt leybs vnd der feel/ nicht haben können vormanen vnd reytzen. Dan mit waßerley künheyt wird straffen eyn rauber eyne rauber/ eyn dieb eyne dieb/ eyn ehebrecher eyne ehebrecher/ eyn Buler eyne Buler/ eyn öffendlicher funder eynen öffendliche funder: Wan das würde er one zweyffel muß sen hören/ dauon der Herre ym Luca sagt. Lieber artzt hilff dir selber. Sol eyn Priester (wie es feyn sol vnd mus) der andern fund straffen/ mus er zuuor an vn^{er}trefflich feyn. Vnd keyner kan keyn rechter göttlicher prediger genand werden (der da yhme vnd den anderen zu heyl/ vnd zur feligkeyt predigt) denn der an sich nymbt die person Chriftri/ vnd feyner Apofteln/ welche das volck auff yhr selbst exempel haben gewiffen. Darumb der heylig Paulus schreybt zu feynem Timotheo also. Biß eyn form vnd exempel der glaubigen ynn der rede/ ym leben/ ynn der lieb/ ym geyft/ ym glauben/ ynn der reynigkeyt. Vnd nach dem sie nu das volck Gottes/ also g^{er}ergert haben/ vnd nicht achtung gehabt auff den willen vnd die gepot Gottes/ hat er sie geben vorechtlich allem volck/ wie geschrieben stehet Malachie am andern Capittel. Sie ha

Vnreynne
Fürsten
vnd Herrn
vnd Prie-
stere.

Vnreynne
Priester
schaden
dem volck
ynn zwey
en stücken

Luce. 5.
Eyn Prie-
ster sol fun-
de frei sein

Eyn rech-
ter göttlich
er predi-
ger.

1. Timo. 4

a3^v

Vorrede.

den auch widder das geyftliche recht gehandelt/ darvonne also hoch vorpotten wird die vnreynigkeyt der Prierterſchafft das man dieses Priersters Meffe nicht hörē folle/ der ein balgk odder vordechtlich weybs perfon bey sich helt. Die weyl sie nun auff das geyftlich recht also gefueft haben (wie pillich) haben aber nicht darnach gethan. Mag yemandts ſprechen/ das sie solche ſchmache billich entpfangen vnd erliden habē/ dan so sich die wirdige Prierterſchafft hielt nach dem es ym Geyftlichen rechten geſchrieben ſtehet/ vnd geboten wird (Titulo de vita et honeftate clericorum) gieng es warlich anders zu ynn der Chriſtenheyt.

Die Kirch
vorwirfft
die Ehe
nicht.

Vorpietē
ift nicht
vorachten

Möcht yemandts ſagen yha eyn ſolch böfs vnd vnreyn leben der Geyftlichen/ iſt ein ſtraff von Gott/ das sie den götlichen ſtand der Ehe vorworffen haben. Darauff iſt das meyn antwort. Die Chriſtlich Kirch voracht odder vorwirffet nicht den ehlichen ſtand/ wie die Ketzzer thun/ die da ſprechen/ das ynn der Ehe keyn menſch könne felig werden/ ſondern etzlichen vorpeuts yhn/ als den Geyftlichen. Aber vorpieten vñ vorachten hat eyne groffen vnterſcheyd. So wird niemandts bezwungen/ es ſol auch niemandts bezwungen werden/ die reynigkeyt/ odder geyftlichen ſtand antzunemen. So yhn aber yemand wil annehmen/ mus er sich enthalten vnd entſchlagen der Ehe. Aber ehe dan er ynn ſtand kompt/ iſt ſeyn freyer will/ er mag thun was er wil/ Mag eyn weybn nehmen odder nicht. Kômpt er aber ynn ſtand/ iſt vhm ſolch er freyer will gebrochen. Das vorſtehe also. Der Barfuffer Orden helt dieſe regel/ das yhr keyner keyn geld angreyfft/ ydoch vorachten sie nicht das geld/ ſprechen auch nicht das niemandts könne felig werden/ der geld angreyfft/ ſondern haltens vor sich/ vnd wer ynn yhrer geſelſchafft/ vnd Orden ſeyn wil/ der mus sich nach dieſer Regel halten/ wo nicht wird er nicht angenommen zu eynem bruder/ wird er aber angenommen/ vnd vorwilligt dareyn/ vnd helt sich doch nicht darnach/ was meynſtu das er vor eyn gefel ſey? Spröchſtu nicht das er wer eyn mutwilliger vnd eygenwilliger bube?

Sprich

a4^r

Vorrede.

Sprichstu aber/ es ist von anfang nicht also gewesen. Vnd der heylige Paulus spricht/ das eyn Bischoff sol sein eyn man. eynes weybs. Das du sprichst es sey von anfang nicht also gewesen/ das glaube ich nicht. Petrus spricht zu dem Herren ym Euangelio. Sihe/ wir haben alles vorlassen/ vnd sind dir nachgefolget. Was meynstu das hie heis alles/ nicht das schieffleyn alleyn/ vnd das netz/ fonder weyb vnd kind/ hauß vnd hoff/ vnd alles das sie gehabt haben/ vnd sind itetz bey dem Herrn gewesen. Wir lassen nicht das die Apostel/ nach dem sie geruffen von dem Herren sind/ haben hochzeit gehabt/ odder weyber genommen. Sonder das lesen wir/ vnd das helt vnd singt die Christliche Kirch/ das der Herre feyren iüngern Johannem/ den Euangelisten/ hat gefodert tag vnd geruffen von der hochzeit/ vnd von dem weybe/ zu dem Apostolat ampt. Auch wird/ gleub ich nicht gefunden noch angetzeygt werden/ das ynn der Christlichen Kirche ein Priester odder eyn Bischoff eyn weyb hab genommen. Yha der heylig Hieronymus sagt/ wir wissen das der Bischoff welcher yn feynem Bischofflichen ampt kinder zeugt/ nicht vor eyn Bischoff/ fonder fur eyn Ehebrecher erkand vnd gehalten wird.

Das weys ich wol/ das sie weyber gehabt haben. Ich sprich aber/ ich gleubs nicht/ das gefunden odder angetzeygt könne werden/ das sie weyber genommen haben. Paulus gepeut nicht/ das eyn Bischoff eyn weyb sol nehmen/ fonder das ist feyn meynung/ so man eynen aus den Ehelichen erwehlen wil/ sol er eyn weyb haben odder gehabt haben. Er mus aber nicht eyn weyb haben/ wie es die vngelarten deuten/ dan Timotheus vnd Tytus/ Pauli iüngere/ gleub ich nicht/ wirs auch nicht leychtlich gleuben/ das sie weyber gehabt haben. So hat yha Paulus keyns nye gehabt/ welchs er klerlich zu vorfthen gibt/ ynn der ersten Epistel zun Corinthern/ ym. 7 Capittel. Vnd der heylige Hieronymus spricht/ das die yhenigen nicht zu hören sind/ die da sprechē/ das Paulus eyn weib gehabt habe. Vnd so lesen wir ynn der Kriegichfen Hiftorien

(das

1. Cimo. 3.
Titum. 1.

Math. 19.
Marci. 10.

Marci. 3.

Ym Sequentz am
Johānis Euan
geliste.

Ym ertē
buch wider
der den
Ketzer Jo
ninianum.

Wie der
spruch pauli
zu vornehmen
sey da er spricht.
Eyn Bischoff
sol feyn eyn man
eyns weybes.

Paulus
hat keyn weyb
nye gehabt.
Ym ertē buch
wider den Jo
ninianum

a4^v

Vorrede.

(das auch gemelt wird ynn Geyftlichen rechten) das eyn alter gebrauch/ vnd eyn alt gebot sey der Kirchen/ die Eheleut lassen kommen ynn den Geyftlichen stand/ aber nicht widerumb/ die Gryftlichen ynn den Ehelichen stand. Dan war umb da die heyligen veter ynn Concilio Niceno (welchs das erft nach dem Apoftolifchen Concilio/ daruon Lucas ynn geschichten der Apofteln schreybt/ gewesen ist) wolten schliessen/ das die Ehelichen Bischoffen yhrer weyber nicht genießen solten/ die sie vor dem stand genommen hetten/ Da stand auff eyner/ mit namen Paphnutius/ eyn heylig man/ vnd ein liebhaber der reynigkeyt/ welchem zu der zeyt der vorfolgung die augen waren aufgestochen/ vnd schry mit hoher stym Was ist das/ dauon yhr radtschlagt lieben freund vnd Herren/ Ich bit euch wöllet nicht eyn folche schwere bülden auff die geweychten legē. Die Ehe ist eyn ehrlich ding. Sehet zu/ das yhr nicht mehr beletzet die Kirche durch die grōs solcher strenghey. Es könnens nicht alle dulden die vbung der reynigkeyt Es werdens auch nicht alle halten die reynigkeyt/ eyn ytzlicher bey seynem weybe. Die rechtliche vnd erbarliche vorwicklung mans vnd weybs/ ist eyn reynigkeyt zu nennen Es ist genug das der yhenige Geyftlich erwelt werde/ der ein weyd⁹ vor folchem stand genommen hat/ Sol aber nicht vnter stand eyne nehmen/ nach dem alten recht vñ gefetz der Kirchen. Seheftu hie das er dis heyffet eyn alt recht vnd gefetz der Kirchen/ ym Geyftlichen stand keyn weybe nemen. So es der Paphnutius der gelebt hat ym drey hundert vnd. xxiiij. iar nach Chrifti geburt/ heyft es eyn alt recht/ Ist wol ab zu nemen/ das die Kirche (wie andere recht vnd gewonheit mehr dauon Paulus hyn vnd widder schreybt) von Apofteln hat genommen. Aber der trübe Lauther/ mit seinem eigenwillichen anhang/ fragt nichts nach folchem alten gefetz der Kirchen/ gibt den Geyftlichen weyber/ vnnd er/ eyn vorlauffen Mönch/ hat felbs eyn vorlauffene Nonne genommen. Aus was recht? Aus keynem/ dan aus seynem eygenwillichen freuel/ wie andere ding mehr. Vnd sonderlich ist das widder die

schriff

Nicenum
Conciliū.

Actu. 15.

Reynig-
keyt ist ein
schwere
bülden.Ehemē-
ner würdē
vorzeyten
zum geyft-
lichē stand
gefoddertLuthers
eygenwil-
liger freuel

b1^r

Vorrede.

Schrifft des alten Testaments/ welchs den Priestern (nicht Christlichen/ fonder Jüdischen) nachgelassen hat weyber zunemen/ ynn dem das sie pelg vnd widtwen nemen. Vnd das ist widder die Schrifft des Newen Testaments/ das sie zwey odder drey weyber nemen. Sehet wie feyn Euangelische leuthe sie feyn. Aber wolt Gott das Luther vor zehen iaren da man schrieb. 1517. het eyn weyb genommen/ so het er nicht so viel geschrieben/ so weren auch viel feelen bey Gott die ytzund bey dem Tewffel sind Vnd es ist wol zu vormuten das Luther vornemlich aus diser vrfach geschrieben hat das er endlich der Kutten (yhm sehr eyn schwere vnd vordrieffliche bürde/ die er nicht eyn mal hat mit füffen getretten vnd gefagt. Ey du Tewffellich kleyd) möchte mit ehren lofs werden/ vnd ein weyb vberkommen. Diese zwey ding/ weyl ers erlangt hat/ schreibt er nicht mehr also/ wie vor. Vnd das sey bissher gefagt was die Ehe sey/ vnnd wie man sich dartzu bereyten sol/ wo yhr vrfprung angefangen habe/ wie aus man vnd weyb werde ein leyb/ vnd was vor lieb zwischen yhn beyden feyn sol/ vnd das drey ding sind yn eyner guten Ehe/ das Bulerey nicht fein sol/ fondern wer sich nicht kan oder wil enthalten/ sol Freyen. Darnach ist ein klag angefelt/ widder die gemeynen hewfer/ vnd vrfach angetzey get/ warumb solchs lafter der hurerey gemein worden ist/ das Fürften vnd Herrn/ die es straffen solten werden selbst darynne erfunden Vnd das etzliche Priester ynn solchem lafter öffendlich (wie die few ym kott/ sich welgern. Endlich ist von Lutherischen Pfaffen gefagt/ die da widder Gott vnd recht weyber nemen/ vnd handeln also freue ich widder die gesetz vnd den gebrauch der Christlichen Kirchen. Aber das ist nichts neues das sie furgebē es ist vormals offt gefchehen. Luther vornewert nur alte Ketzerey/ vnd alte Schismata vnd ergernus der Kirhen. Dan auff seiner meynung sind gewesen die Aeriani/ Albigenfes/ Albanenfes Almaricus/ Armem/ Arnoldus de villa noua/ Balatius Barthefanifte/ Bafylides/ Apelles/ Alogiani/ Choite/ Copti/ Her

Leuiti. 21.

1. Timo. 3.
Titum. 1

Luther
solt vor zehen iaren eyn weyb genommē haben.
Vrfprüngliche vrfach des schreibens des Luthers.

Luther hat feyn kuttē mit füffen getretten zu Jheñ ym wirtzhaus zum schwarzen bern.
Schlußred

Was fur Ketzerey Luther erweckt hat.

b1^v

Vorrede.

mannus/ Rufswigk/ Hyriceus/ Bedricus/ Bugantius/ Cathari/ Defiderius/ Elchefaide/ Feliciani/ Flagellantes/ Floriani/ Greci/ Heraclite/ Huffite/ Juba/ Indiani/ Infabatati/ Juftina imperatrix/ Manichei/ Marcionifte/ Marfilius/ Paduanus Neftoriani/ Nyctages/ Orphani/ Waldenfes/ Petrus de Luna/ Petrus Biranenfis/ Proculus/ Jouinianus/ Rutheni/ Reumundus/ Catalamus/ Saturnini/ Seueriani/ Nicolaite/ Tandemus/ Taborite/ Themifus/ Valens imperator/ Valētini/ Vlricus de Morauia/ Vigilantius/ Wickleffite/ Wilhelmus aurifex/ Wilhelmus de fancto amore/ Diopetres/ Hilariani/ Sagarelli/ Maffiliani/ Jconoclafe/ Lollardi/ Merifte. Diefer aller Ketzerey hat Luther erwecket/ vnd vnter der banck herfur getzogen/ nicht das Euangelium/ wie er fich rhümet.

Wer nun Luthers lehre glauben geben wil/ der mus erftlich die Chriftlichen Kirche ftraffen/ welche folche obgenante vor Ketzzer geacht hat fampt dem Luther. Darnach alle diefe Ketzzer vor Chriftlich Scribenten halten. Vnd diefe alle feligen/ die yhnen geloubt vnd gefolgt haben. Thu es wer dawil/ Behüte mich Gott das ichs nicht thue.

Yrthumb
von der
Ehe.

Es ift offtmals groffer yrthumb von der Ehe gewefen/ wie dan das felbige Propheceyt hat lang zuuor Paulus/ ynder erften Epiftel zum Timotheo am. iiij. Capittel. Yhr viel haben die Ehe vordampt vnd gefagt/ Es könne niemandts ym Ehelichen ftand felig werden/ wie gethan haben die Abelian/ Adamiani/ Aeriani/ Encratite/ Ampotactite/ Agapete Albanenfes/ Apoftolici/ Cathaphryges/ Durandus/ Heraclite/ Manichei/ Nouatiani/ Paffageni/ Prifcilianifte/ Cathari/ Seueriani/ Tatiani. Erzlich haben die ander Ehe (als fo eyn man das ander weyb/ odder eyn weyb den andern man nympt) vordampt/ vnd geacht vor Bulerey/ vnd vnreynigkeyt/ als die Tertulianifte.

Eyns teyls haben gefagt/ das alle ding den Chriften follen frey feyn/ auch die weyber/ nemlich die Nicolaite. Es find

yhr ge

b2^r

Vorrede.

yhr gewefen/ die gefagt haben/ das die gebenedeyung der
Priefteren vber die Ehelichen/ das Sacrament der ehe nicht
erhöhe noch wirdige/ fondern mehr vnterdrück vnd fchende
wie die Fiagellatores. Nun ynn den letzten zeytten ift der
trübe Lauther auffgetanden/ vnnd fagt widder die orde-
nung der Chriftenheyt/ das Sacrament der Ehe fey keyn
Sacrament.

Diefes hat mich nützlich vnnd gut gedeucht zu fa-
gen/ von der Ehe. Nu hynfurt wil ich kürtzlich vberlauf
fen/ vnnd antzeygen/ was ynn diefem Bûchleyn gefchrieben
wird. Aber dis wilich zuuor fagen. Eyn yglich Chriften
menfche fol fich (wie es auch der Herre ym Euangelio leret)
vor eynen Kauffman fchatzen vnd achten/ Sol bedencken/
warumb er fey eyn Chrifft worden/ vnd warumb er lebe/ vnd
was nach diefem leben werden wird. Gleich fo eyn Kauff-
man gen Franckfort zeucht/ odder anders wo hyn zu hanti-
ren/ bedenckt er warumb er hyn fey gezogen/ vnd warumb
er da fey/ vnd was gefchehen wird/ fo er feyne fach ents-
weders fleyffig odder nachleffig thun wird.

Ach Gott vom himel wie fleyfchlich find die Chriften
worden? Wie kald find fie? Welche doch folten geyftlich
vnd hytzig feyn ynn der liebe Gottes vnd des nechften? Der
meyfte teyl tracht mehr auff das zeytlich dan auff das ewig.
Eyn gröffere lieb ift nu zu den kegenwertigen dingen/ dan zu
den zukunfftigen. Wir begeren alle felig zu werden/ vnd wöl-
len vns doch nicht darnach rûften. Es ift yha ein vordampt
tewffellifch ding/ Es gemant michs feyn geleych/ als fo ich
begert gelert zu werden/ vnd wolt mich vber die bûcher nicht
fetzen/ fondern wolt fpatzieren gehen/ Dann mit folcher weys
ifts nicht mûglich gelert zu werden.

Wolan/ Summa fummarum/ Gott hat eyn hell/ vnnd
hat eyn himel/ Die hell vor die böfen/ den himel vor die from-
men/ Gott ift keyner noch zu mechtig noch zu hoch/ bey yme
ift keyn anfehen der perfon/ Der da frumme ift/ gefelt yhm/
er fey gleich Heyntz odder Kuntz/wie es ym fprichwort ift.

Ein chrift
wird vor-
gleycht ey-
nem Kauf-
man.
Mathe. 15.
Was eyn
Chrifft be-
denckē fol.

Eyn fley-
fchliche
vnd kalte
lieb der
Chriften.

b2^v

Vorrede.

Darumb lieber menſch/ wilt du nicht ynn die helle kommen/
 Math. 19. fey frum/ halt die gepot Gottes/ Denn alfo leret der Herre fe-
 Marci. 10. lig zu werden/ fo man feyne gepot helt. Vnd fo wir fo leycht/
 lich kōnden felig werden (wie wirs denn yt3und meynen)
 Spotten wir billich der lieben heyligen/ die es yhn alfo fawer
 Selig wer haben laffen werden/ haben ſich tag vnd nacht geubt ym ge-
 dē kompt fetz vnd ym willen Gottes/ yn faften/ beten/ wachen/ vnd an
 nicht leicht deren vielen guten wercken/ wie du liſt von der heiligen Anna
 an.
 Luce. 2. ym Euangelio Luce/ welche nymmer aus dem Tempel gieng
 dienet Gott tag vnd nacht mit faften vnd mit bethen. Vnd
 1. Cor. 9. wie Paulus der Apoftel von yhm felbs ſchreybt/ wie er fey-
 nen leyb kaſtey/ vnd bringen ynn dienſtbarkeyt/ auff das/
 das fleyſch diene dem geſt/ vnd nicht der geſt dem fleyſch/
 Gala. 5. dann zwifchen den zweyen/ iſt ein fteter vnd ewiger kampff.
 Selig iſt der alfo kempffet/ das er mit Paulo vberwind das
 fleyſch/ vnd vnterwerffe es dem Geſt.
 Der ſtand (fo er anders Chriftlich iſt) hindert nichts/ al-
 lein man ſehe/ das man felig zu brenge/ Gott ſicht nicht als
 viel nach dem ſtand/ als nach dem leben des ſtandts. Pau-
 1. Corin. 7. lus ſpricht/ ynn welchem ſtand du gefoddert von Gott zum
 glauben biſt/ ynn dem ſelbigen vorharre vnd bleibe. Dem-
 nach gibt er/ vnd auch der heylige Petrus lehr/ wie ſich eyn
 yt3lichs yn ſeinem ſtand haltē ſol/ was da thun follē die men-
 ner/ die weyber/ iunge vnd alte weyber/ die widwen/ iunge vñ
 alte widwen/ die veter/ die kinder/ die Herrē/ die knecht. Alfo
 auch yn diſer Epiftel des heiligē Hieronymi/ odder wie etliche
 meinē/ des heiligē Biſchofen Paulini/ wirt vnterricht gegebē
 wie ſich die haußmüter halten ſollen/ damit ſie mögen felig
 werden (wan die feligkeyt iſt das ende alles vnſers lebens)
 welche Epiftel/ da ich ſie vberlas/ gefiel ſie mir als wol/ das
 ich ſie wirdig achtet/ das ſie von vielen/ yha von yederman
 Vnſers le- geſen wūrde/ Dan ſie gehet gerad auff vnſere zeyt/ ttrafft
 bens ende iſt die fe- ſie
 ligkeyt.
 Lutheri- ſcher yr- thumb.
 ſcher yr- thumb.
 allein dem glauben gepürt/ nicht auch den wercken. Derhalben
 habe ich ſie verdeudcht/ durch genad Gottes/ getrewlich/

nicht

b3^r

Vorrede.

nicht Kantzelleifch. Las mich genügen/ halts auch darfur/
 das ich yhm genug gethan habe/ fo man fie kan vorftehen/
 Diefel Epiftel hab ich ynn ewren namen wöllen laffen aufz
 gehen/ tugentfame frawe/ damit fo yhr etwas befindet das
 euch zu dem hauffen der tugent gebreche/ möchtet hieraus ne Pfal. 83.
 men/ Dan wie die fchrifft leret/ fol man von tag zu tag aus ey
 ner tugent ynn die andere gehen/ das ift/ man fol von tag zu
 tag frömmen werden/ vnd an der tugend zu nemen.

Solche meyne arbeyt/ tugentfame frawe/ fo ich würde
 mercken/ das fie an dem fein würde/ würd ich beweget wer
 den/ andere mehr aus dem obgenanten heiligen Hieronymo
 deudfchen/ vnd ynn Druck geben/ als nemlich wie man kin
 der ynn Gottes forcht vnd dienft fol aufftziehen/ vnd wie
 fich die widtwen halten follen. Solche lehr vnd vnterwey
 fung/ ift nicht zu vorwerffen/ wie die freuelifchen Martinifch
 en nun thun/ welchen nichts gefelt denn das fie fagen oder
 fchreyben/ yhr kopff ift der befte Dan fo folche lehr (wie fich
 ein ytzlicher nach feynem ftand halten fol) vnütz were/ het
 fich der heilig Paulus vnd Petrus nicht alfo bemühet/ vnd
 gefchrieben was die menner/ die weyber etc. dauon oben ge
 fagt ift/ thun follen.

Vnterwey
 fung des
 lebens ift
 nicht zu
 ftraffen.

Dis fey widder diefe gefagt/ die da plappern/ fo eyner glau
 bet/ darff man yhm nicht viel von diefem oder von yhenem
 fagen/ dan der glaub wirts yhn wol lehren/ was
 zu thun oder zu laffen ftehe. Damit

Gott beuohlen. Zu Leyptzigk

am Sonabent vor

Jnuocauit.

M. D. XXVij.

b ij

Die Epi